

**BOSANSKOHERCEGOVAČKI AUTO-MOTO KLUB**  
**S A R A J E V O**  
Sarajevo, 17.10.2013. godine

**I N F O R M A C I J A**  
**O SAOBRAĆAJNO/PROMETNO-OBRAZOVNOM TAKMIČENJU/NATJECANJU**  
**UČENIKA OSNOVNIH ŠKOLA U 2013. GODINI**

Bosanskohercegovački auto-moto klub je uspješno okončao ciklus školskih, općinskih i područnih saobraćajno/prometno-obrazovnih takmičenja/natjecanja na kojima je učestvovalo više od 25.000 učenika osnovnih škola. Treba istaći da su saobraćajno/prometno-obrazovna takmičenja/natjecanja imala prvenstveni cilj da na popularan način doprinesu saobraćajnoj edukaciji učenika, a samim tim podizanju nivoa preventivnog djelovanja u oblasti saobraćaja/prometa, poboljšanju opšteg stanja sigurnosti saobraćaja/prometa i zaštite ljudskih života.

U skladu sa novim Pravilnikom o organizaciji i realizaciji saobraćajno/prometno obrazovnih takmičenja/natjecanja učenika osnovnih škola u Bosni i Hercegovini područna takmičenja/natjecanja organizuju se po sljedećim područjima:

- 1. HERCEGOVAČKO PODRUČJE** (obuhvata opštine/općine sa područja Hercegovačko-neretvanskog, Zapadnohercegovačkog i Kantona 10 /Županije 10)
- 2. SARAJEVSKO PODRUČJE** (obuhvata opštine/općine Sarajevskog i Bosansko-podrinjskog kantona)
- 3. PODRUČJE SREDNJE BOSNE** (obuhvata Zeničko-dobojski i Srednjobosanski kanton)
- 4. PODRUČJE DISTRIKTA BRČKO**
- 5. TUZLANSKO PODRUČJE** (Tuzlanski kanton)
- 6. PODRUČJE BIHAĆA** (Unsko-sanski kanton)
- 7. PODRUČJE MRKONJIĆ GRADA**
- 8. POSAVSKO PODRUČJE** (Posavski kanton)
- 9. Druga područja iz BiH**

Tokom mjeseca maja i juna održana su područna takmičenja kako slijedi:

	<b>PODRUČJE</b>	<b>ORGANIZATOR</b>	<b>DATUM I MJESTO ODRŽAVANJA</b>	<b>DELEGAT BIHAMK-a</b>
1.	Hercegovina	AMK "Mostar"	02.06.2013. Mostar	Frano Spaić
2.	Bihać	AMK „Bihać“	25.05.2013. Bihać	Hasan Omanović
3.	TK	TUZAMK	15.05.2013. Tuzla	Hazim Musić
4.	Sarajevsko	AMKK „Sarajevo“	18.05.2013. Sarajevo	Mersiha Imširović
5.	BRČKO DISTRIKT	AMK „Brčko“	18.05.2013. Brčko	Ozren Božanović
6.	Srednja Bosna	BIHAMK TC Zenica	16.05.2013. Zenica	Dušan Simić
	<b>Finalno</b>	BIHAMK Sarajevo	08.06.2013. Sarajevo	Mersiha Imširović Edo Memišević

Kao što je evidentno BIHAMK je i ove godine u većem dijelu Bosne i Hercegovine organizovao i realizovao saobraćajno/prometne-obrazovne aktivnosti uz znatno omasovljenje ciklusa, koje je bilo popraćeno kvalitetom rada i rezultata.

Na svim područnim takmičenjima/natjecanjima bio je prisutan delegat Komisije za saobraćajna/prometna takmičenja/natjecanja BIHAMK-a, koji je vršio koordinaciju, ali i pružao konkretnu stručnu pomoć u vidu obračuna rezultata i realizacije teoretskog i praktičnog testiranja takmičara.

Troškove realizacije većeg broja regionalnih (5 područnih i Brčko Distrikt) saobraćajno/prometno-obrazovnih takmičenja/natjecanja, kao i finalnog takmičenja/natjecanja snosio je BIHAMK, s tim što je većina organizatora područnih takmičenja/natjecanja uspjela obezbijediti i manje sponzorske priloge.

08. juna 2013. godine u Sarajevu održano je 17. saobraćajno/prometno-obrazovno takmičenje/natjecanje učenika Osnovnih škola BiH na kojem je učestvovalo 7 ekipa iz BiH.

Na finalnom takmičenju nadmetali su se najbolji pojedinci područnih takmičenja/natjecanja (predstavnici 10 kantona Federacije BiH, kao i predstavnici Brčko Distrikta), rođeni između 2001. i 2003. godine, njih ukupno 38. Ove godine, u skladu sa novim Pravilnikom Komisije za saobraćajna/prometna takmičenja/natjecanja BIHAMK-a, ekipe iz Brčko Distrikta i Posavskog kantona bila su sastavljena od dva dječaka i dvije djevojčice, dok su ekipe iz ostalih područja činila po tri dječaka i tri djevojčice.

Organizator i izvršni organizator ovogodišnjeg finalnog saobraćajno/prometnog-obrazovnog takmičenja/natjecanja bio je UG BIHAMK.

Sami tok takmičenja/natjecanja odvijao se na uobičajene način, a u skladu sa Pravilnikom o realizaciji sedamnaestog saobraćajno/prometno obrazovnog takmičenja/natjecanja učenika Osnovnih škola BiH: takmičari/natjecatelji su radili test iz poznavanja saobraćajnih/prometnih propisa, a zatim vozili bicikl na posebno pripremljenoj stazi-poligonu. Ocjenjivanje je bilo javno i rezultati su saopštavani odmah nakon završetka radnje na stazi-poligonu.

Nakon završenog teoretskog i praktičnog dijela takmičenja/natjecanja sumiranjem rezultata, četiri djevojčice i četiri dječaka su imali podjednak broj negativnih bodova, pa je vožena i tzv. "puž" vožnja, nakon koje su određena tri prvoplasirana dječaka i djevojčice.

Najbolje plasiranim pojedincima i ekipama organizator je obezbijedio vrijedne nagrade (bicikla, pehare, diplome), dok su svim takmičarima/natjecateljima podjeljene posebne diplome za učešće na ovoj tradicionalnoj manifestaciji.

Na osnovu pojedinačnih rezultata takmičara/natjecatelja, na Finalnom takmičenju/natjecanju određeni su predstavnici BIHAMK-a :

1. Anđela Garić, Posavski kanton/županija
2. Fikreta Tiro, Srednjobosanski kanton/županija

3. Kristian Vuković, Posavski kanton/županija
4. Elvedin Podanović, Tuzlanski kanton/županija

Četiri najbolje plasirana pojedinca sa Finalnog takmičenja/natjecanja su, po 17. put predstavljali Bosnu i Hercegovinu i BIHAMK na 28. FIA Europskom saobraćajno/prometno obrazovnom takmičenju/natjecanju, koje se ove godine održalo u **Baru (Crna Gora), u periodu od 20. do 23. septembra/rujna 2013. godine.** Na ovogodišnjem takmičenju/natjecanju 21. septembra 2013. godine, nastupili su predstavnici 21 europske zemlje, neki i po prvi put:

Albanija, Austrija, Bosna i Hercegovina, Bugarska, Hrvatska, Mađarska, Finska, Francuska, Češka Republika, Srbija, Rusija RAF, Rusija RAS, Litvanija, Norveška, Crna Gora, Njemačka, Slovačka, Švicarska, Poljska, Monako, Latvija i Slovenija.

Takmičenje/natjecanje je ponovo održano po tzv. "rotacijskom" sistemu. Svi takmičari/natjecatelji su nastupili na osam takmičarskih/natjecateljskih stanica (disciplina), od ukupno četrdesetak disciplina koje su do sada definisane i sa kojima ćemo se susretati na narednim takmičenjima/natjecanjima.

Svečanom otvorenju takmičenja/natjecanja prisustvovali su i visoki zvaničnici FIA (Međunarodne Automobilističke Asocijacije) - predsjednik FIA Regije I Thierry Willemarck, Generalni direktor FIA Regije I Jacob Bamsgaard, kao i zvaničnici Auto-moto kluba Crne Gore AMS CG i grada domaćina.

u veoma jakoj konkurenciji ekipa BIHAMK-a osvojila je **8.mjesto** i time nastavila sa tradicijom postizanja izuzetno dobrih rezultata. Poslije ovog takmičenja/natjecanja jasno je da plasmanom među prvih deset ekipa posljednjih godina BIHAMK spada u europske klubove koji imaju kontinuirano visoku poziciju, što znači kontinuiran rad sa djecom u osnovnim školama. Osim toga, radi se o jednoj specifičnoj smotri na evropskom nivou u kojoj rezultat nije u prvom planu. Često je isticana činjenica da klubovi ne trebaju posmatrati ovo takmičenje/natjecanje kao olimpijsku disciplinu, već priliku da se na jednom mjestu okupe različite kulture i da pokažu svoju vještinu snalaženja u današnjoj saobraćajnoj/prometnoj džungli.

Veoma je bitno napomenuti da su naši predstavnici imali bolji plasman od većine reprezentacija iz znatno većih zemalja (Francuska, Njemačka, Norveška).

Ekipa Srbije (AMSS) osvojila je prvo mjesto, drugoplasirani su bili reprezentativci Rusije (RAS), dok je treće mjesto zauzela ekipa Latvije (LAMB).

***Pored navedenog član ekipe BIHAMK-a Elvedin Podanović po izboru djece učesnika takmičenja/natjecanja osvojio je prvo mjesto u crtanju inoviranog saobraćajnog/prometnog znaka "Djeca na cesti " za šta je dobio i nagradu od FIA (tablet).***

*Stručna služba BIHAMK-a*